

آذربایجان خلقی ئوز محلی وایالتی شورالار ینی یارتمالیدیر

۷۱ نیل بوندان قاباق

آذربایجاندا ئوزورن انقلابی و دموکراتیک قیام، آذربایجان خالقین تاریخ بویندا ان بویوک قیام لاریندان بیریدیر. آذربایجان خلقی آزادلیق و عدالت و برابرلیک یولوندا دفعه له ر سلاح اله آلیب و ایاقا قالخیب و حماسه له ر یارادارکن ئوز ایستک لرینی اوجا سس ایله آریا قویوب. بابک قیامیندان تا مشروطه انقلابنا و مشروطه انقلابیندان تا ۲۱ آذر ۱۳۲۴ جه ن، بتون بو ایستکلر و چالیشمالار بیر نیل انقلابی و دموکراتیک ها بیله اقتصادی و اجتماعی دریشیک له رده اوز حقیقی سیماسینی منعکس ادیر. ۲۱ آذر قیامی اول بار ایران دا سیاسی حاکمیت مسئله سینی زحمتکش لر، ایشچی، اکینچی قادیلار و خلق نفعینه حل ادیب و اونی فتودال لار، بویوک اشراف و امپریالیسم عاملرینین الیندن آلیب و خلقی ئوز سرنویشتینه حاکیم ئدی، ۲۱ آذر قیامی نتیجه سینده ایران واورتا شرقین بیر بویوک حسسه سینده، یعنی آذربایجاندا ارتجانین و امپریالیسمین و ایچری قره قوه لرین، اجتماعی، اقتصادی و نظامی دایقلاری بتون ویران ئدیب و خلق الینین آلتینا گتیریلدی. بتون ایرانی ظلم و ستم و استبداد آلتیندان و امپریالیسم و ارتجاع اسارتینده ن قوتارماق، مرتجع شاهی تخت اوستینده ن بیره سالماق مقصدینه گوره ۲۱ آذر نهضتی ایرانین آیری خلقیلرینین آزادلیغین یولوندا گوتوریله ن بیر بویوک قدمیدی. بونا گوره ده ایرانین حاکم طبقه سی، اشراف، فتودالار، شونیست و ناسیونالیست قوه لر خارجی انگلیس و آمریکا، آذربایجاندا یارانان دموکراتیک و انقلابی حاکمیت سون قورماق اوچون ال بیر اولدولار. و بوطرفنده دنیا دا ینی درشیکلر و سویت بیرلشینی ینی سیاستی و انون نهضته یاردیم ئتمه مه سی و چوخ آیری عامللر آذربایجان خلقین نهضتین دوام ئتمگینه امکان قورمادیلار. انقلابی دموکراتیک حکومتین سایه سینده آذربایجان زحمتشکلرین بیر نیل تلاشی نتیجه سینده چوخ دریشیکلر خالقین نفعینی ئوزوردی، پرلر زحمتکش کندلره آراسیندا بولوندی، تزه صنایع یولادوشدی مدرسه لر، دانشگاه لار یارالیندی و آنادیلی تدریس اولوندی، یوللار اسفالت اولدو و قادیلار اول بار آزاد و کیشی ایله برابر رای صاحیبی اولدولار. و بللی دیر کی بو اصلاحات و بیله بیر انقلابی و دموکراتیک درشیکلیگی نه مرکزی حکومت و نه ده انون خارجی دایقلاری تحمل ئده بیلمز لر و انوگوره ده تمام خارجی امپریالیستلر و داخلی مرتجع قوه لر ال بیر اولوب و آذربایجانا قشون چکدیلر. اونلار مینلر انسانی توتوپ اشکنجه آلتینا آپاردیلار، مینلرجه انسانی کوچه له رده و چولده باجادا توتوپ و الدوردیلر. مینلر نفر آواره اولدولار و آذربایجان خلقین حرکتین بیله تاپنالاندیرماسی ایران خلقلرینی ده دموکراسی و مدنیت صاحیب اولماسینی ئیللر بویو دالی سالدی و دمک اولارکی ایندی بو چکیلن مصیبت لر ئله آذربایجاندا ئوزورن انقلابی دموکراتیک حرکتین سینماسینین نتیجه سی دیر.

۷۱ نیل ده ن سونرا آذربایجان خلقی ئوز آینیشیندا و مبارزسینی قاباق آپارماخدا بو بویوک تجربه دن درس آلمالیدی و ئوز استکلرینی یرینه یترمک اوچون گرک بو اوچ شعار محورینده، یعنی **□ تم ملی**، **جنسی و طبقاتی** یه سون قورماق ایچون ینه ده محلله لرده، ایشله دیگی مرکز لرده و ایالتی سطحده شورا لار طریق ایله ئوز سرنویشتینه حاکم اولمالیدی.

آذربایجان خالقى ایلر بویو اورگینده یاتان کینه ونفرت ایران اسلامی حاکمیتین ظلم وستم و شونیستی تشبثاتینه و اولکه ده گده ن ظلم وستم واستثمار وحق سیزلیک علیه ایغا قاخمالیدی و اعلام ادملیدی کی، من بوظلم و ستم واستثمارا بویون قویمارام.

۲۱ آذرین ۷۱ مینجی ئیل دونمینده بتون مللی، جنسی وطبقاتی ستم قباقیندا دایانانلارا و آزادیک و سوسیالیسم یولوندا جان قوران قهرمانلاریمیزی خاطره لندییب و فدائی کیمی اونلارین یولونا دوام ورمه لیک.

محوالسون اسلام وارتجاع حکومتی

یاشاسین ۲۱ آذر قیامین خاطره سی

برقرار اولسون محلی وایالتی شورالار

کمونست فدائیلرین آذربایجان ایالتی کمیته سی

۲۱ آذر ۱۳۹۵